

Communicaziun a las medias

Premiera dal film «Onn per onn pli paucs – l'exempel da la Val Medel»

Cuiria, ils 26-02-2019 – Radiotelevisiun Svizra Rumantscha (RTR) envida a la premiera dal film da Bertilla Giossi. Il film «Onn per onn pli paucs – l'exempel da la Val Medel» raquinta da la depopolaziun en Val Medel, da sperditas, schanzas e curaschi. La premiera ha lieu gievgia, ils 07 da mars 2019 a las 20:00 en la chasa da scola a Curaglia. Suenter il film discurren Rico Tuor, president communal da Medel/Lucmagn e Stefan Forster dal Center da capricorns, ZHAW, Vargistagn, davart il svilup demografic en las Alps.

L'onn 1965 surpiglia il scolast Linus Beeli las classas dal stgalim bass a Curaglia en Val Medel. En l'emprima classa ha el 25 uffants. Var 50 onns pli tard, dapi l'atun 2017, è la chasa da scola vida. Ils uffants da la val van or a Mustér a scola, ed er Evelina Giger, la davosa scolasta a Curaglia, va or da la val a dar scola. Ina sumeglianta sort ha la Societad da musica Medel/Lucmagn. Ils musicants e las musicantas mancan, l'october passà vegn la societad perquai schliada. Era tar la mastergnanza in maletg sumegliant. I mancan lavurers.

Nagina scola, nagina musica, mancanza da lavurers, trais fatgs ch'han tuts trais la medema raschun e consequenza: la depopolaziun. En tut las regiuns rumantschas è la populaziun sa sminuida ils davos onns, ma nagliur uschè ferm sco en la Val Medel. Ils davos 10 onns ha la vischnanca da Medel pers 17% da ses abitants. Oz vivan anc 366 personas en la val.

Tge munta questa digren per quellas e quels ch'èn restads? Tge consequenzas ha la depopolaziun per la vita da mintgadi? Co resentan las Medelinas ed ils Medelins lur sort? Respostas en il film realisà da Bertilla Giossi.

Cuntrasts: «Onn per onn pli paucs – l'exempel da la Val Medel »

dumengia, ils 10-03-2019, 17:25 sin SRF 1 (cun suttitels tudestgs) ubain sin rtr.ch/play.

Repetiziuns:

mesemna, , ils 13-03-2019, 09:10, 10:10 e las 13:15 sin SRF info

gievgia, ils 14-03-2019, 11:30 sin SRF info

sonda, ils 16-03-2019, 17:15 sin SRF 1

Dapli infurmaziuns

Radiotelevisiun Svizra Rumantscha, Via da Masans 2, 7000 Cuiria
Diana Jörg Spescha, referendaria communicaziun e marketing, tel. 081 255 76 29, diana.joerg@rtr.ch

Fotos
RTR